

## حسيني عزالاردا گرک شرعي ميزانلار رعایت اولسون

شرقي آذربايجاندا ولي فقيه نومايندهسي محرم عزالاريندا شرع ميزانلارين رعایت ائتمک و بيدعتين قاباغين آلماغين ايستهدي.



شرقي آذربايجاندا ولي فقيه نومايندهسي محرم عزالاريندا شرع ميزانلارين رعایت ائتمک و بيدعتين قاباغين آلماغين ايستهدي.

فارسين تبريزدن و نردیغی گوزاريشه گۆره، آيت الله محسن مجتهد شبستري، حسيني تاسوعا و عاشورا هماهنگليق سيتادي-نين گۆروشونده دئدي: ايمام حسين (ع) مكتبي موعالي آموزه لر و عيزت و ايثار و باخچيلغا چاغيرماق و پيسليقدان ساخلاماق درسي-اينن دولودور كي گرک هاميميز اونا عمل ائدك.

او آرتيردي: راحيل ايمام (ره) محرم و صفری اسلامين ياشاماسينا عامل بيليلر. بو اوزدن گرک بو گونلرين جان وئرن آموزه لري-اينن ، مؤمونلرين اوركلرينده ايمانين بقاسي تضمين اولا كي اونلارين محوري نامازدير.

تبريزين ايمام جومعه سي عزا مراسيمينده حسيني قيامين فلسفه سين دئماغا ايشاره ائديب دئدي: بو مراسيملر گرک تشت گوداري، بنشيك گزديرمك، علم باغلاماق و قمه وورماق كي مي بعضي آرتيرمالاردان اوزاق اولا تا شيعه لرين عيزتي حيفظ اولسون.

شبستري ايمام حسين (ع) عزاسيندان خورافه لرين آرادان قالديريلماسيني موعظم اينقىلاب رهبرين ايستگي بيليب و حسيني سيره لرين بو خورافه لرين آرادان آپارماغا چاليشماقلاريني ايسته دي.

شبستري بونا تاكيد ائله ماغيانان كي ايمام حسينين (ع) قيامي ناماز فريضة سي نه خاطردي، آرتيردي: ايمام حسين (ع) ناماز يولونون شهيداي ايدي و حسيني سيره لر گرک عاشورا طوهروندا ايمام حسينين (ع) آخير نامازي خاطره سي نه عاشورا طوهروندا جماعت نامازي قيلسينلار.

او آخيره حسيني سيره لرين تلاشلاريندان تقدير ائديب، معرفت و بصرتله تؤأم عزادارليغي ايسته دي.

حجت الاسلام رسول ملايي تاسوعا و عاشورا مراسيمي سيتادي-نين مسؤولو دا بو گونلرين برنامه لرين تشریح ائديب دئدي: تاسوعا مراسيمي-نين اوستاني شيكه و سراسري شيكه لرين بيريندن پخش اولماسي، نيفراه دان آپرساناجن پرچم باغلاماق، تاسوعا گونو ايمام خميني (ره) موصلاسيندا خانيملارا مخصوص مراسيم و عاشورا گونونون عزاسي و تبريزين ايمام جومعه سي-نين ايمامتي-اينن طوهر عاشورا جماعت نامازي بو برنامه لردندير.

لينک مطلب در سایت : <http://torki.tebyan-tabriz.ir/?MID=21&Type=News&id=216>